

“Ban canta y siña toca cuarta” cu Maybelline Arends-Croes

den Scol di Arte desde 27 di April

STA. CRUZ -- Desde 27 di April Maybelline Arends-Croes den cooperacion cu UNOCA lo ofrece na Scol di Arte na San Nicolas, tur diarazon mainta, un workshop di 10.00 pa 11.30, cu lo dura 8 siman. Den un ambiente relaha, interesadonan lo haya oportunidad pa siña toca cuarta basicamente y tambe ricibi algun tips di cantamento.

Pa locual ta trata e persona cu ta bay duna e workshop, por bisa en corto lo siguiente: Maybelline a termina conservatorio na Hulanda. A traha como docente di musica pa 5 aña na Arubaanse Muziekschool, 40 aña na Colegio Arubano y na IPA. A duna les na lidernan di Trai Merdia y diferente tayer pa maestronan di school. Tambe Maybelline a

guia diferente coro y ta activo ainda cu su propio dos coronan. Diferente composicion, cd y publicacionnan e tin riba su nomber y ademas Maybelline a contribui grandemente na festivalnan, celebracionnan nacional y representacionnan. Pa por duna tur hende debido atencion lo tuma maximo 10 persona pa e tayer aki. Contribucion pa persona pa full e curso ta 75 florin. Por yama Scol di Arte 584 9168 desde awe caba pa inscribi. Corda bon: “Esun cu yega prome ta bebe awa limpi!!!”

***Aruba,
Esaki ta un bon
oportunidad pa siña
for di Maybelline cu su
experiencia amplio
den un ambiente
relaha y dushi.....***